

白  
華  
前  
稿

白華前稿卷第三十六

南漚 吳省欽 沖之

古今體詩城南集三

旃蒙作噩

擇石宮庶墨菊

雨叢模糊露叢白橫枝直枝綴佳色十弓隙地花塞之  
花影酒痕互狼籍舉觴酌花花不辭落墨貌花花不知  
高低向背妙惟肖元氣所到無成虧先生三絕夏時輩  
冷客招要坐鱗次籬下爭餐秋菊英匣中罷讀春坊字  
陳清款紙伸文餘纖兒色駭珍璫璵卒然筆趣趁荒率

一凹一凸紛斑如綻者如鈴縮者爪簇者成窠斷者拗  
突兀從教石筍撐蓬鬆定有苔紋綬此花情性沖隱宜  
肯入俗眼遭妍媸不用安棚堆錦繡幾曾簪絹買胭脂  
古來畫蘭畫竹參篆隸鼠尾丁頭結體勢畫菊卻於章  
草求生管匆匆恣游藝墨香倡和名蹟湮嘉禾志掩雲  
東塵成化中嘉興姚公綬爲許進士廷冕  
題墨菊卷周桐邨沈石田有和詩我今讀畫起  
三歎此是先生親寫真北風騷騷散裘茸呵凍留題臂  
平拱巧偷豪奪皆吾徒持謝牙牌訪嘉種

味經師寓園長夏圖

帝闔沓冠蓋出郭涵道心林塘曠相屬言面西山岑入

門賞松石窈窕停蒼陰朱藤冠華宇丹蘂浮曲澗卽物  
感欣暢始知夏已深亮無熱因觸蕭暇同皋禽誼士不  
改術丹鳳不改音身披一品衣手揮五絲琴

著作承明廬炫奇在文賦辭條非不繁經訓眇所務我  
師當過庭六籍討真趣綜甄兼百家矧敢薄箋註含英  
復咀華茹新亦溫故醴醴歸大醇此味託墳素道山清  
切地退直振高步彼哉邢魏徒勸書事章句

九龍秀天表少日居舊園高堂遭多故顛走中煩冤古  
人涉憂患問學矢勿諼蒲輪召斯寵虎闥名尤尊煌煌  
五禮書真可懸國門宣付寫官寫羣喙皆息喧禮以未

然禁刑以已發援引經折疑獄誦習儲本原

吾鄉老中允

黃唐堂之雋

江館總書局傾心說大賢光華見

膏沃等身與滿家屬饜譬菽粟自叨稽古榮弼教格頽  
俗茲圖溯何年眉采蔭穠綠層閣延微涼不覺遠炎溽  
忝從河汾遊誦法事校錄撫卷思追然窺園媿遐躅

### 述庵三泖漁莊圖

我友淡蕩人結廬泖湖側身披白鷺裘手撫龍須笛蘆  
漪蓼岸清且都匆匆忽墮洛陽陌應官蹋鼓天未明疲  
驢馱夢行夾城張衡不樂處機密王衍自來忘宦情畫  
師拂卷素戒我污寒具曬網掠烟邨回船覓津路將晴

未晴薛澱雲欲暝不暝華亭樹有時三姑乘月來驚起  
鴛鴦出沙步憐君待詔辭竹關蓬池斫膾紛斑斕魚牀  
蟹簞間何闊展罷玉叉爲解顏君言五十掉頭去富貴  
功名草頭露有日不歸如此湖草堂祇在湖深處吳生  
與君廿年舊知君草堂苦難就豈惟無貨結草堂漁弟  
無麥閭巖實卽今莊覽動遐諷元真天隨見伯仲老氏  
長滋山水娛魯門那藉鼓鐘送乃知三柳之勝天下無  
圓冰倒瀉青模糊湖莊似此信清遠鷗眠鳥語疑可呼  
不爾焉能爲此圖嗚呼此圖此景世恒有者番端落散  
人手

送人歸白門

春水汨春冰春帆下廣陵杏花松路店荻筍版橋晉華  
髮歸何定茅龍挾未能秦淮重五夕好憶帝城燈

閏花朝小集聯句

新雨迎寒食省欽街塵曉乍消長明重來尋酒社晉芳  
兩度得花朝錫熊院靜雙鳩喚仁虎簾虛一燕招初泥  
痕融藥甲文哲烟色潤蘭若省欽草草流光駐長明遲  
遲閏氣調晉芳句初期未準翰聖記洛陽風俗以錫熊  
二月二日爲花朝  
月半候仍遙提要錄庶以二  
月十五爲花朝仁虎此日鄉風舊吳俗以  
二月十

二爲初今年節物饒文哲葉增桐暗覺省欽芽熟菜頻

挑長明直卯芳時又晉芳生辰故事聊錫熊何神司長  
養七虎有客惜漂搖初多謝寒輕勸文哲相逢信久要  
省飲閒情風共祝長明小影月同邀晉芳賸綵看猶結  
錫熊深杯試更澆仁虎聽餘鶯管滑初撲後蜨衣嬌文  
哲響認金鈴護省欽陰添錦繡標長明勾留禁細蕊晉  
芳漏洩倩長條錫熊緩緩穿林屐仁虎悄悄出巷簫初  
側行披密徑文哲圍坐敞疎寮省欽短檠嘉廚薦長明  
明燈冷榭飄香芳歡悰應易醉錫熊綺序本難料仁虎  
一倍春堪戀初三分景正韶文哲陰晴緣亦偶省欽消  
息理偏超長明歲律空延佇晉芳家園漫闌寥錫熊天



涯萋綠草仁虎昔昔夢吳船初

吾山夜雨停尊圖

開筵眷華酌商氣在孤櫺一種瀟瀟雨難爲永夜聽話  
殘人翦燭唱罷路淋鈴滴盡槽牀響能添兩鬢星  
錦瑟動羈夜美人勞我心遠將藁砧怨併入竹梧陰獨  
鶴夜相警數蛩寒自吟所憐阮公淚掩戶亦霑襟

劍亭吉士長松箕踞圖

昔君圖課耕將隱菱門上雖無買田貲三徑故無恙茲  
焉盟石泉心蹟轉遼曠高瀑下雙澗微雲帶重嶂亭童  
撐一松陰影走頽浪蓼蓼汎天風田衣水搖漾觀人復

觀我世慮齊得喪自間索米來猿鶴互騰謗艱虞仗一  
官哀樂幻千狀惟存舊文采仰屋抗遐唱古德鄰太初  
劫局浩難量願言共晨夕卜居介廉讓

集查太守恂叔

禮

接葉亭丁香花下

釀陰天氣鳩勃簇官街沒轂溝泥嬾眠如蠶閉圓戶  
不知暖信催棠梨朝來黃色上眉宇發面一笑承嘉攜  
長虹詰屈引苔徑複檻明瑟延藤谿忽逢姣女露姿首  
種種綽約揚輕黃數團紫雪兩行粉相間深淺參高低  
有亭翼然出花罅辛夷作柱蘭作柅腳鐺數坐趣真率  
仰視扁署挈青倪西厓當年盛文譙從遊羣彥皆金閨

醉翦草木例加敬漁人津洞尋復迷數椽老屋落公手  
每接歎阮陪琴嵇東風吹簾烏鬣碎璵璠萬結交暄萋  
是時卷波叫狂絕春梢撲地傾留犁游絲白日不到地  
繞樹千巾爭探題主人守郡百蠻日桂海志與虞衡齊  
遨頭導從伐銅鼓木棉蔽野山鳩啼大書照曜勸詩版  
歸載片石爲裝齋休神家衙辱鄰比通僣輩行忘訶詆  
寶從花市尚須醉譜入藥錄非無稽來朝雨晴大難卜  
遲賞燈月浮玻璃

蔚田館師收綸圖

先生釣鼇手中歲登蓬池褒然領同隊魚佩光差差舊

鄉往復還書局鉛黃疲頤廳負公望縱壑行可期賤子  
本促鱗濡沫吳淞湄竭來侍龍門浩蕩無津涯忘筌守  
元箸跋浪開雄姿物理喻罕譬在彼亦在茲朝來告行  
急謂有尊鱸思白淩烟波遠黃嶽雲海奇某卽與某水  
游釣從少時二者敦夙好熊魚難兼之何如五湖長坐  
把綸竿持滄江歸未晚秋漲涵渺瀾挂帆去安穩徑造  
蘆之碕彎彎月爲鉤縷縷烟爲絲簪檐挹疎雨蓑袂當  
涼颼竹竿長徙徙投餌臨輕漪灑焉忽收起掉頭如恐  
遲惟餘紅蜻蜓款款來相隨我聞古賢達每藉羊裘披  
其下曰陽鱗人釣堪鄙夷先生使直鉤無愧名館師滿

船載明月經綸焉取斯所嗟夢炊白誰獻鮎魚噉林寒  
葉微脫且詠陰鏗詩鏗詩林寒正下葉釣晚欲收綸人知得魚樂此樂  
無人知吾徒抱微尚載酒懽言追一竿拂東海化作珊瑚枝

憶竹聯句

蒨植非無種省欽成林願未諧晉芳款門何所造仁虎  
開徑有餘懷長明舊宅棲雲外錫熊閑園抱水涯初亂  
拙簪一束文哲寒削玉千排省欽露重枝妨帽晉芳泥  
鬆筍避韞仁虎相看渾不厭長明小住且爲佳錫熊瑣  
碎吟徒好初平安訊轉乖文哲前盟青士阻省欽別思

綠卿皆晉芳。瑟瑟招涼榻。仁虎騷騷聽雨階。長明謝塵  
凝弗掃。錫熊庭月冷空筵。初曲援兼荒。槿文哲單扉久  
閑柴省欽披襟聊此地。晉芳把臂向五晉。儕仁虎素節知  
難改。長明深緣信必偕。錫熊選材煩畫手。初留影在高  
齋文哲。

### 憶桂聯句

問訊南州桂文哲。丹叢取次熏初氣。乘秋正滿錫熊陰  
與月平分。長明直幹陵松蓋。仁虎盤根駁蘇紋。晉芳冷  
舍廬院露省欽。高臥小山雲文哲。影識前身見初香。參  
逆鼻聞錫熊有華寧。不實長明無隱欲。何云仁虎偃蹇。

懷芳踟躕芳淹留魏俗氛省欽植根遷未易文哲攀樹  
望徒勤初偶爾陳盆盎錫熊猶然阻屐裘長明畫欄空  
細雨仁虎荒圃幾斜暝晉芳歲晏誰華予省欽人閑最  
憶君文哲蒼蒼留古貌初落落吐奇芬錫熊好服真仙  
訣長明憑招隱士羣仁虎故林眇天末晉芳惆悵倚微  
醺省欽

張孝廉北牕讀易圖

高館延遠陰淅瀝午風響幽居憺無營敷坐致蕭爽孤  
桐翼廣除修竹蔽疏壤悠然天地初名理極俯仰觀玩  
在象辭一畫示指掌始知嗜易人不作禪說賞禾中文

獻區經訓富疇曩永懷寥迴心遺世息塵鞅何日刺扁舟抱經共還往

飲恂叔太守所攜獐酒

翠樽翻墨濤味敵苦桑落酒人四座嘗未曾聞是嶺西獐丁作獐丁住巖罅職志遺虞衡厥性視獐獐獐悍難與爭冬衣去鵞毛夏木葉麻欄高架如巢檜掬水搏飯解飢渴何時學得釀法浮春罌麴瓮鹿泉冽不論斛九地泠泠簪沈淥陶家制器徵絕奇縮頸重脣皤其腹東風開甕香撲天浪花歌成排綺筵峒官鳴鳴逐新壻此酒壓擔隨牲牽不然麤麤練髯事剽掠痛飲便抵鎗頭錢



口涎膽悸拚不得重使主人笑觴客當年投牒邕管歸  
郎人連邨獻雲液輕裝下瀨防觸危穩載聊同鬱林石  
留君竹薄笨勸君金叵羅宅南十載瘴雨惡椰杯一酌  
回天和此酒醖且清藏之歲云久粹泉瑞露拜下風鯨  
吸魚喁莫停口甕邊醉臥能幾回殷勤便乞蠻方守赤雅  
獐人聚而成邨曰峒其長曰峒官臂衣曰練鬚戰服曰  
氍毹凡隨行攻掠者厚給其家曰鎗頭錢伐木架橋人  
栖其上牛羊大豕畜其下曰嶺欄子

和徐芷塘秋海棠元韻

巢痕幾處認徐郎吟望寥天思轉傷何地移根迷碧海  
有人散蕊怯元霜小名悔識當風面薄命教迴似水腸

一種相思君領取并梧陰覆鬱金堂

嬰春不分睡春陽賸與淒清和笛牀團扇慢搖秋葉大  
輕鈿勻妥晚花涼傳神雅唱工裁素沒骨新圖妙暈黃  
卻倚畫闌燒短燭玉階寒峭夜初長

絡索蟲絲曲逕穿妮人姿制故嫣然雲朝雨暮非神女  
月白風清亦散仙檀板共催君莫舞鏡奩遙對我猶憐  
玉羅牕外銀瓶小留與哀蘭一鬪妍

久遲暖信送梨棠十樣紛連薛荔牆幽怨漸銷金粉豔  
柔情終帶綺羅香風流有種傳佳話時世無緣託淡妝  
薊北江南千里夢好評花品趁新涼

戴箕圃侍御與彭芸楣編修易居用田山薑移

居詩韻見示奉和

飛蓬一一隨飄車陸沈金馬爭浮家偶然一區號瑞室  
鍾鼎有捷足先得如奔騰聽鸛此時訪戴宅斟雉當日瑞室頌  
書彭衙言從米市入果巷中有仄徑通敞斜趁間漫趨  
五夜漏得氣待養三春花人生託足亦前定憂喜不用  
占鳴鴉井眉之居況清瀝幾人飲馬停馬擱往還依舊  
迭賓主勿使匹處嗤嫖媼

宅經聚訟紛五車江西幾派陰陽家兩家交易發宏願  
不比強使輶轡腹人言涉冬堦北戶君愛及蚤移南衙

徙居故事出新意  
況仰屋柱無傾斜  
填門賀客太無賴  
開讌坐燼金燈花  
佳兒繞膝弄紙筆  
此乃清鳳非塗鴉  
我今落成復賡韻  
感慨不似操參朮  
歸來筮易利西北  
悠然高枕參羲媧

次韻爲桐嶼師題石谷所仿郭恕先湖莊秋霽  
田橋野色連雙塍  
王郎結屋居上層  
夕陽粉本金翠凝  
解衣坐對涼鬢鬢  
蒼臺老人枕得朋  
不比狎主搜剝滕  
是圖裏外湖濬承  
誅茅蓋瓦來牽仍  
竹樹滃然蒼霧蒸  
蛾綠照檻腰熟凭  
往還太半雲門僧  
白石枯爛牛角嶒  
坡羊澤鼃胥佐胥  
得魚貫之板  
裊藤前者樵唱  
後者磨

飛度松杉神欲矜有占城稻垂告登主人觀刈臺級升  
了不驚起眠鷗翮大致清遠踰吳興瓜皮嫩綠波面澄  
擷菰剝芡舫可乘飛放直許追魚鷹忽落公手披緇繩  
謂於郭畫三折肱觸迂鄉思縈一緇水邨篴橋租芰菱  
射的米賤自有徵宦情薄擬蟬翼繒季真遺狂於古會  
尚友那遣涓涓澠結草堂貴交貸稱鳴欄豚栅時修增  
菊天酒具齋王宏酒酣共翦西牕燈滄洲涉趣沖且恒  
雙清心跡頭銜冰吳吟會吟吾亦能所媿小窾鳴秋蠅  
樵風南北神武憑竊議鯁蟹行桂簪著書深澤叢抄膳  
買山而隱言勿憎學參畫禪公則勝

劔亭前輩葺東南書屋戲作

官貧例僦屋償租憂不堪損錢事營葺失笑成愚慙君  
家官菜園地僻疎朝參惜少著書室彌勒將移龕虛庭  
一俯仰借蔭濃光含散花時惹香結子還作甘猗與北  
鄰棗要我姑滯淹昔賢稱棗東今君居棗南呼童拾殘  
礫蓋以重茅苫每當會文酒小坐臨牕檐布影歸其宅  
不礙涼初蟾隔牆挂纂纂側想長竿拈分無素封志撲  
取嫌傷廉君家望梅者沁醋傳笑談此棗或酸棗慎勿  
盛都籃庶幾杏殤後佳識徵早男

高齋詩意圖送礪齋太守之宣州

遠岫高林一桁開北樓搔首重低徊詩人例作宣城守  
不藉棊枰賭決來

倒馬關前舊領符股肱幾郡借馳驅者回又駕琴高鯉  
可憶淞南巨口鱸

漆栗寒烟夾岸籠到官差喜到家同春湖下上平如掌  
使盡三江一帆風

高齋視事詠初聞水木清華絕世氛畫與謝家白團扇  
相思常遶敬亭雲

覺生寺大鐘聯句

華鐘鎮祇園仁虎廓然容萬斛佉佛成祖營青浦王相

述庵役徒少師督激電移歲時文哲傳燈閣涼燠探勝  
憶遠懷省欽趁閒討遺躅車遲曾城阿長明寺聳大道  
曲豐碑蛟螭蟠初巍座龍象蹴周遭庖廚錫熊錯立  
栝松榭駁蘚鋪城堦仁虎倒茄麗櫟猗威神屏方良規  
怪偉圖忽儵流鈴戛郎當文哲法鼓震塗毒繡繪內家  
旛省欽琳笈中禁軸幽響飄邈陵長明妙香散篤耨耽  
耽廣院呀初屹屹岑樓矗矗柱擎坤維錫熊雁堂仿乾  
竺風櫺亞差參仁虎露拱盤歷碌上枕腰彎環廻緣壁  
脚不于蟻穿窬以深文哲螺旋往而復趙趙筍廡橫省  
欽帖帖蒲牢伏其圍四尋餘長明厥徑三仞足重八千



衡羸初高十六尺縮積石儲廩困錫熊量祛越方幅頂  
同孟體圓仁虎身作鏡光煜辨名殊重脣昶取象類大  
腹排藥鬢鬢蹲文哲介篆虹蜺束昂俄夔首擗省欽瑣  
碎蚪紋簇哆張陋釜鶯長明雄峙嗤煎鬻有銃兼有鉦  
初非鐔亦非鐔中懸廬肖穹錫熊下覆室成覆熊熊景  
常歔仁虎黝黝色轉沃烟煜湧帝青昶繚繞暈官綠含  
霜九芒寒文音炫日五采昱鋒棱沙畫錐省欽縵理錦  
交縠重爲遶巾行長明共作廻環讀華嚴緡寶函初般  
若譯珠櫝品經貝葉傳錫熊眞偈蓮華續體變廬佉文  
仁虎語想釋迦囑螭紐危自垂昶鯨桴怒相觸雷音走

隆隆文哲颯韻汜謾謾應大昭小鳴省欽中左羽右鰅  
豈立號立橫長明乃滿阡滿谷曰動氣必宜初維空聲  
斯蓄警宵分雞籌錫熊報千間魚粥旅魂感惘惶仁虎  
山鬼拜踉跄大地咸震醒衆諸天正清穆聲聞豁塵襟  
文哲喟息稽故牘主鬯貌孱孫省欽操戈恣悍叔時方  
息龍爭長明事忽符燕啄腹心寄齊黃初羽翼翦代蜀  
葛藟忘庇根錫熊椒聊使盈劑啓疆假以權仁虎睨器  
求所欲連營諸將驍馳入幕一翁禿識誇瓦墮空文哲  
計詭壁藏複飛颺鞬脫鷹省欽跳突原走鹿歌風北方  
強長明占繇南國蹙臨江勢已成初割地議空瀆郭門

喧征聲錫熊陵闕閃戰靈宮中傳披緝仁虎殿上儼呈  
錄周公輔誰欺和和尚誤難贖紀年付草除文哲鈎黨  
窮訊鞠著緋衷刃趨省欽要經投筆哭詔呼冤哉烹長  
明狼籍弱之內株連榜姓名初羅織籍家族雨仗修羅  
宮錫熊雪錫波吒獄孰自重泉冤仁虎莫逃一字惡魯  
弓假不歸和周鼎遷重卜鑄鐵悔六州文哲貢金來九  
牧象功愧和平省欽戢禍懲殺戮大慈見應順長明宏  
願持較篤濁劫經刀兵初道場會水陸咨考工庀材錫  
熊命將作勅屬銅調北壯蘇仁虎火扇文武熔制器倕  
工能祖揮毫學士獨一礫復一波文哲三薰更三沐幅

整資臨摹省欽坏圓試鏤鑿搏泥外渾淪長明化蠟中  
滲漉封治長庚監初開鑪太乙囑瀉液凝碧烟錫熊騰  
輝爍朱旭咒鱗降蜿蜒仁虎封鬣繫轂棘審音析毫釐  
和中度辨黍粟雄梁高引組文哲飛架圓轉輓大衆謹  
讚揚省欽羣靈駭馳逐漫將救魄招長明直使陰魔服  
解脫驅三災初祈求迓百福眞諦參每煩錫熊善根種  
非宿是爲有漏因仁虎詎稱無量祝縱依淨土安和終  
俾吉金辱疚心積孽多文哲彈指流光促沈埋痛瓜蔓  
省欽倉卒報榆木十朝舊物貽長明萬壽崇基築

明代是鐘

本貯大內後移漢經廠萬歷五年建萬壽寺於西直門外移鐘於寺日俾六僧擊之見野獲編及帝京景物略

賜出從紫閣初移來近蒼麓聽周釋界千錫熊撞選僧

彌六喧寂任禪緣仁虎廢興易世局鴛舍藏至今親虎

分禁自夙

天啓中有言寺在帝里白虎分不宜鳴鐘遂臥鐘於地見燕都遊覽志

地隨毫

社遷文哲世閱秦灰速啞棄堆泥沙省欽僵眠蔽樸欬

剗苦過客摩

長明擲礫游童扑代已變滄桑初物仍寄

輦轂流傳四丁訛

燕邸紀聞云是鐘鑄造及徙置萬壽寺月日時皆四丁未今考求樂朝無

丁未年蓋汪氏之訛也

錫熊呵護六甲肅

景運逢轉輪仁虎

昌時協調燭提唱通人天祖秉持徹道俗闢法開化城

文哲棲真傍靈囿挽以千馬車省欽貯之萬鱗屋奏殊

辟雍藪長明陳擬房序玉

帝臨星罕移初

聖

作奎章燭正覺發顓蒙錫熊多生遂熙育仁虎水源功  
德滋昶雲氣吉祥郁文哲母愴憑帛情省欽且暢登臨  
目長明新詩如叩筵初用補春明錄錫熊

次桐嶼師韻雲松編修移居椿樹衡衡

不煩綵石映紅泉略占春明自在天旋馬虛庭畱小築  
陳海寧鳴鶯高樹卜新遷健來竟得休糧藥貧去難忘

故第潤筆錢應有舊聞畱日下一樓一井字王宣

紙閣蘆簾結勝因翛然高與太初鄰向陽檐誰頻傳喜  
得氣堂花蚤發陳灰陷圍鑪消飲夜墨融矮帖助吟春  
閒門剝啄休嫌少試看元亭問字人

送平瑤海聖臺大令旋粵

年來忝接卯君塵造室停驂誼便親爲政最宜文獻地  
談詩不似簿書人匣中巨璞清門迴燈下連牀樂境真  
及記鳳巢痕半埽木棉紅映海天春

青楓幾樹送江程重上朝班聽漏聲十日願從公等醉  
九重喜說長官清檐喧賀雝聯翩下廡歇疲驂汗漫行  
莫笑腳難連手版御屏今日也書名

扶胥灣口蠶纈船斑管文章映斐然此事廢於行作吏  
如君才似謫稱仙蘭亭水竹情空戀梅驛風花信正妍  
纔識稽山兩前輩盧橋尊酒去翩翩

送商太守寶意盤之雲南

馱鈴曉語霜在羈朔風獵獵吹長旃南征萬里鬢垂白  
獨有高興凌秋烟滇池蒼茫滇山碧盛覽王褒緬遺迹  
衣繡寧須論買臣移文詎比嘲逋客三十年前吳會吟  
九仙骨格張玉琴弓衣織句麗如此畫閣焚香清至今  
使君守滇如守粵敢以一麾嘆淪屈每教邊郡重循良  
更遣蠻邦化文物當筵一曲酒千巡到及葉榆江水春  
桐花狝鳥如相問身是先朝侍從臣

次鑑南韻夜坐畢修撰秋帆沅聽雨樓

板閣連層仿隱居松風低灑夜牕虛人緣對雨便還往



仙好當樓淨埽除一翦偏榮談最密半篷圓笠夢終疎  
無端誤喜瀟瀟響如水閒庭葉脫餘

檐帷咬查報曉乾涉冬稀得雨聲寒但飄急雪聽逾好  
若上危梯下亦難鑿壁待延嵐數點逢場須作戲雙竿  
與君更發聯牀慨北泖南湖底樣寬

迂竹軒

竹一竿綴以苔石題云至正庚子雲林阻風  
壽明寺爲一庵作寺無考觀自題詩知不出  
震澤間而集矢載夢堂司農得之以名其軒  
猶蘇齋石鼓山房志也

个个貧家竹，幽都產未曾。試懸竿一挺，恍倚翠千層。體  
結雲林妙，心游浦寺澄。白蓮塵外社，綠葦水邊燈。夜話  
欣聯臂，朝眠忘折肱。鶯谿隨筆到，鳳谷選材勝。短跋三  
生戀，清詩七字矜。流傳湖海遍，藏弄楸枰梁升愛。仿蕭齋  
署，疑陪米舫乘。幾梢風下搶，數笥露高凌。軒借迂爲號，  
堂宜夢有徵。墨君靈氣涌，醫俗此猶能。江南人以有無  
倪盡分雅俗

次韻唐花四詠

催詩如火到，問坊特先春。韶試靚妝，幾點紅雲烘。徑淺  
四圍銀燭照，人在西川碎錦空。滴水北地勻，脂且避霜。  
失笑老顛花事晚，此間新覓返魂香。海棠

斗大黃瓷養善根國香蕉萃忍重論哀絃無語終含秀  
空谷何心早變溫炙去尚聞芳竟體焚餘莫遣夢離魂  
烟皋露畹風騷遠引對圍鑪壁影昏

蘭

江南江北了生涯出窖驚看一幹斜深淺未妨垂縞袂  
寒暄無與寄瑤華題牋客愛疎牕牕擁酒童教隔巷賒  
不比畫圓消九九相逢須作探梅誇

梅

笙歌叢裏遍新年富貴真疑得氣偏十戶憎憐貧論值  
一闌蚤笑熱隨緣香兼獸鼎扶頭重彩和

雜詩

如此名花如此會故應壓倒綺羅筵

牡丹

白華前稿卷第三十七

南



古今體詩史官集一

柔兆閼茂

今起居注官爲古左右史之職而會典翰林院以掌院學士侍讀學士侍講學士爲堂官編修檢討爲史官蓋設官之初得與史職其名義如是也散館之試在西苑正大光明殿幸得留館授職凡奉使黔粵楚主文所作並登斯集

送里人南歸

代馬蕭蕭動別情  
勸君杯酒送君行  
畫橋不盡垂楊柳  
兩岸春風有乳鶯

鶴沙東北望衡居  
我去鄉園十載餘  
記得鷺肪好秋粉  
韭芽黃拌晚餐虛

京國緇塵撲繡韉  
潞河下水定何年  
人生祇有歸山好  
不爲南雲也悵然

二牖春泛同竹君魚門璞園馮紹蘭分賦

樂水抱同志  
冀踐沙鷗盟  
一人一壺榼  
拚挈煩僚伴  
九衢厭塵擊  
望望循高城  
城邊玉河柳  
學嚙聞早鶯  
習射預調塲  
賣藥還支棚  
少焉石梁轉  
迴絕滄浪情  
冰簾挂

遙影磯激先作聲不料灰洞底曠若昭昏盲招招呼升  
坐輕比花鳧輕槳亦不能打篙亦不能撐環腰曳絲纜  
宛在江南行邛邛泥杏蕊塢塢披桃英羣鶯復羣鴨唼  
喋如有爭馬飲麴塵細燕浴鞞紋平但少葭菼色遠貼  
春波明閒閒荷鉏子獨上高原耕指言宰樹後爲園規  
奉誠頗思款茶竈兼想移酒鎗破關久不答回櫂開瓶  
罌倚酣共談往此川通漕征雲帆抵城脚疏鑿艱始營  
外城拓何代臨賞無一泓長安萬人海茲勝宜得名焉  
得咒之徙一勺皆蓬瀛不然下通潞欵乃歌相迎雖違  
祓蘭序猶及餐荀櫻同遊笑相謂魚鱗嚴初更終當負

襖被庶用漙冠纓夢回淨如拭心蹟留雙清

西潭觀察買柳軒圖

高栢蔽孤館鬱鬱浮碧陰有時颯風雨彷彿鳴枯琴主  
人買此屋翦伐力勿禁盤桓撫孤幹再奉雙南金此桐  
得續命此屋留嗣音廿年涉遊宦欲往良阻深西津暗  
曉渡北固明秋岑開圖寄歸夢湛然清以森婆娑感生  
意虛白觀道心穆如詠先澤夜壁燈沈沈

和鑑南題秋帆前輩得石軒次初自元韻

生不能懸壺長安學仙伯又不能洞房連闔護錢癖何  
人得石搆層軒石爲主人長請客主人有客居對門詫

道石堪冠朔易花綱動地脫賄遷灰劫周星免兵厄運

去難教僮僕守時來尚荷鬼神惜摩挲唱嘆續查田爾

石雖頑見

胡甸切

靈脈直同園裏參品流終擬厓間量圍

尺亞牆樓樓撈貓頭堆砌隆隆伏麋脊要同浣花堂上

松手種一株配一石我觀顯晦皆夙緣豈少碑材臥闌

柵百金傳購餐綠蛾底事區區換雙璧歐陽致弔柳賀

遭聚訟紛綸鮮真獲人生兩膝隨一身邱壑閒蹤任爬

髯置亦且看碁局平承杯休放酒腸窄更煩畫手圖真

形槩薄軒前解裳襞石之在彼猶在君六合同歸幕與

席君不見湖黿艸蛙買求益競入豪家等塵積我難買



石姑買鄰智者移山願從役物憑歲久能自飛珍重門  
扉掩初夕忽記主人住弁山蘭圃猶存左徒宅

桐葉封弟得風字

有弟聊相戲頒封一葉桐當宵青匱匣在手碧玲瓏金  
翦分枝後瑤章刻楮中記言聞左史人賀見元公旣附  
龍門末應輝象服崇稽符虞瑞合典誥夏璜同宇啓藩  
隨魯疆開索準戎嘉禾他日告萬古播唐風

集西潭觀察新植紫藤花下

閨春融融花信慢青藤吹作紫霞爛君家一本吾所憐  
似枝非枝幹非幹疎難縛架誰竝題高及扶檐客爭玩

過牆而下如建瓴倒影濛濛染危茜迴文碎錦翦重重

圓相寶璣絡串串座中老饕涎亂流

蒙泉前輩

要采穠英裏

齋麪此時櫻筍記家廚此地琴壺話公案北海尊罍老

尚傾東山絲竹宵寧倦

孫退谷彭茶陵舊居

問花再四花不知轉

眼韶華激飛電主人歸騎自湖湘新買林亭勝萸黃未

妨當戶起車塵最愛垂堂夾泉澗昨朝依舊爲選人吏

部廳前芘葱蒨只疑身在紫雲回何似此花滿庭院兒

孫初祖形體殊且倚波簾捲風幔從來花木似名節維

久乃成粹難辦斯藤結縛才數年爾許繁苞怒紛綻種

人種樹將毋同總角行行託星弁吾儕笑口當粲如莫

放來朝落如霰明年花發君已行有花不是者邊看相  
期續訂林下盟日繞百巾咏千徧

陸丈長卿北莊課孫圖

鶴沙距滬城兩舍判緊縣交誼多紀羣早歲楓相見我  
翁磊落姿長頭復長面抱孫今六年恥爲梨栗戀詎惟  
識之無行且課經傳熟如瓶水翻探喉不容嚙莊如棒  
喝聞轉頭不容倦莫言黃口重速化計非便長孺與小  
同祖澤起嘉羨翁家著雲間譬若衣有緣不爲近市謀  
二頃缺營佃大兒官舍人泛宅趁風便御留膝上兒嬉  
嬉慰寢膳相於竹素居廊檻照華絢故物指石屏舊德

話宮扇然而懷北莊何日更增繕貲難寄草堂畫且索  
礬絹修竹三二分雜花百千片水窮雲起間重茅閉深  
院扶杖信以怡簫金信以賤和暢類含飴劬勞等食硯  
自我來大都流序劇傳箭豕無讀書處幽草沒荒堰他  
時歸買帆詫此突而弁

陸丈吳淞歸棹圖

淘泥沒髀六街行孤負家林蕨筍盟說與挽髻人記取  
歸心緊似蚤潮生

白紙坊南僦破櫺深宵話雨酒初醒修羅劫後靈光在  
喜見江湖有歲星

鯉庭桃李怒爭春  
笑向兒郎謝告身  
半翦綠波似青鏡  
照來未算白頭人

春城隱隱水迢迢  
指點淞南第一橋  
慢艣輕帆較安穩  
不煩巨浪破風颿

竹素堂前石磴環  
依然竊窺讀書山  
何時也渡春申口  
手替松風一撼鐶

銅章七品遲新恩  
酒壘詩壇健更尊  
他日經壇勤祝嘏  
駟馬騎癯入修門

西潭觀察新闢石池

方池浸堂影  
袤廣僅盈丈  
淺沙多層流  
厥底覆盆盎  
益連

箭課新水淨綠得滋養涵夫頗嗜奇點綴見孤蔣譬之  
明月輪雲翳更堪賞其旁叢石林濯濯透蘇廣青桐陰  
扶疎黃蕉風颯爽不知開鑿初幾輩芻莽長安萬人  
海撲面漲埃埃有水卽醴泉有石卽仙掌主人雲夢習  
意象入疎朗點蒼躡屐尋碧湘挂帆往歸買小玲瓏百  
金用非枉吾欲咒使移庶慰濯纓想

爲約軒題尊甫鐵夫司訓授經圖

國家崇儒紳設官主黌舍下以望士林上以觀文化蘇  
湖兩齋嗟一空此職今與丞哉同教士教子術無二當  
代卻數逍遙公公生丈夫子有七五郎早蒙西清筆臚

名雲朵光差差公在九原笑顏溢歿者含笑存者悲昔  
年親侍傳經帷紆青拖紫非所貴要使大義懸娥義公  
之遺書我未見乍過佳兒示家傳獨冷寧須華省尊三  
遷未被交章薦卻金拒請山鬼知滅賊陳書澤農使我  
開兩京經術飾淳治公以師儒作循吏想見皋比危坐  
時一一丹黃恣研記趨庭作圖偶然耳滿堂動色嗟神  
異詩書之澤食報崇況有陰功著人世嗚呼校官何處  
無苜宿飽飫山齋樹縱然不能廣厲士類如蘇湖一命  
濟物寧忘諸觀公治行皆可圖出則積德居積書五郎  
索詩如索趙敢振響鐸驚聾愚君不見少翁文采擅流

譽述志還推鄉魯儒

題陳樸廬西山挹爽圖卽送之官成都

帝京形勝控山海出門西笑披晴嵐官人守官閉車幔  
未許蠟屐輿扶籃君從舊鄉入京雒能斷家累真奇男  
余神九峯積蘇耳要看兩戒雄北南茲山近接太行脊  
揭來燕市遊頗堪酒徒結交詫獨醒賈胡論館驚羣慙  
高頭大鼻氣深穩無取奪席驚高談昨朝謔綰索人畫  
櫻鞵桐帽隨行擔絃琴在囊劍在室祕策更何靈威探  
陂陀簇簇點蒼翠安膝且坐黃泥龕僧房青豆筵廻互  
京闕黃瓦相差參星陀中陀遠勢落戒壇潭柘層陰含



林林人影滿阡谷知有石炭馱疲驂於時佳秋轉蒼肅  
丹黃病葉霜將酣支頤露頂看不厭但覺商氣浮長谿  
此間可樂那思蜀一官萬里行趨趨芋田撞布事粗辦  
宗資成瑨謫無慙錦城青城足攬勝詎必栽雪投經庵  
桑乾河邊折楊柳春風澹沱絲垂髮他時朝京報政最  
戀宿應類浮屠三  
御試麥浪得翻字

芳疇春浪湧麥氣動郊原密穠青沿岸輕花白到門千  
稜堆浩浩萬斛倒渾渾餘潤多占雪先秋早訕源差池  
勻感燕散漫迴浮健曉刈鎌思捉晨春禮待奔候兼梅

雨熟信逼棟風溫尚憶勤東作攜鋤手自翻

麥光迷望眼激浪詫平吞正及漸漸秀長兼颯颯翻黏  
天雲護影漲地雪流痕翠浦高低陌藍拖遠近邨浴憐  
文雉往吸誤巨魚掀隴上留陰曉邨中射氣昏風濤三  
峽勢 雨露一犁恩好待金波拂霏香餅餌溫

散館授職紀 恩四首

六街新報狀元歸 西苑熏絃協舜揮襍被預租金地

淨押班齊望火城圍三年教養 恩如海兩字賢良

德有輝執卷趨蹌敷坐穩瓊茵髹几咫尺 顏威時尹文端

劉文正以大學士爲館師率領  
謝 恩訖入 賢良門散卷

殿東晴接殿西陰正大光明仰

帝心丹字分題雙

捧下錦袍合跪三思尋盡

即忍切

求麥隴秋濤壯莫負花

軌晝晷沈一賦五詩真鹵莽願關

鳳律破蛩吟

是日試八

軾影賦麥浪詩省欽成五首

翠輦東來降玉階羽林全撤仗雙排平臨

天步光

先近

宣索雲箋韻未諧

已刻上殿

諭詩成者以稿上御輦經殿前隨下

封進閣門重簡點評量樞院勘參差二三等第勞

宸覽留館容看發綠牌

清漢書皆分一二三等拆封後依序繕綠頭牌引

對勤政殿

宵衣勤政仰

家傳雁序通名豈論年職志已完文士業詞章也荷

聖人憐但循咨格安時命蚤託編摩遣俗緣如此清華

難副望向陽葵藿勉精專

省欽典修一統志音韻述微續文獻通考時列一等第二

### 樂賢堂雅集圖爲定圃師作

憶昨昭陽歲霓裳詠大羅  
輪材如我少藻鑑自公多  
旣輟看花宴頻勞折簡過  
有堂近東墅千令紀南訛  
淡蕩消炎靄悠颺起嘯歌  
藤陰前設席柳岸下鳴珂  
短柄間揮塵深杯緩酌螺  
蜚曹寬接納禮數謝煩苛  
風雅西園振煙雲北苑拖  
一時陪勝集七字繼清哦  
故事徵斯在同年會若何  
師門仍使節

乙酉秋師復主鄉試前視學九畿

歲序竝流

波複閣窺無恙前塵記不磨  
羣賢皆迭蕩賤子亦逶迤

詩遲三年約恩將十資科平泉盤泊處醉眼重摩挲

廖六明府清華水木圖

佳山如故人迤邐宛相屬意行先坐忘樹色湛寒綠素  
襟披好風萬境轉森肅不聞衆鳥喧道心在空谷自來  
作吏難料理困塵牘夫君餘古懽政成採幽躅相見雖  
無期相思日以續寒溫訊哲兄每話士龍屋想象訟庭  
間琴聲泛枯木

遜華重至都中有贈

牛車幾度遶天涯燕市重來鬢換絲領我畧同華表語  
磨人祇爲草堂資戲當竿木逢場後事在麻衣罷社時

聞道種松鱗更老一丸長醉墨淋漓

送錢學士辛楣

大昕假歸嘉定

涼颿鳴樹枝一逕積黃葉間歲驚早寒易凍渡河揖戎  
裝何匆匆話別且喋喋秋士本善愁況送馬蹄踐膠城  
東海隅練水抱樓堞人文興百年作者案可燦鳳阿及  
撲邨遇窮望差愜我我孫致若張神青紫芥同拾先生  
致身早奏賦勳著鬣迴翔館閣開學子膽俱惛經義探  
鄭元文心抗劉勰讀史證碑版審音論雙疊朝章九祭  
然爛熟號行篋開元興政和安足供凌躡先生修臨子王禮考  
田間來幸獲免彈欽鄰坊春旣連書局苗亦接資分雖

絕懸古惱極川淡銷寒冬擁鑪追暑夏攜筵款關質疑  
事適然笑展牋首春賦添可湯餅羅枕樸佳慶充門間  
惟喜到僮妾胡然示疾餘涼簟夢驚魘竟符炊白占憎  
怳淚承睫鰈魚夜不眠歸思飛獵獵以公邀主知

文字報職業副相適缺人會見藉負協初非鷁退飛奚  
翅燕倒囀家江縱可姑毋過飯魚蚰速往仍速還徒乃  
費輪艤公言往京久卜請詎煩揆帝鄉豈不懷世

途亦屢涉僕指違里門幾易玉階莢顧雲親舍遙放溜

水程捷江湖同隊魚游泳互相挾

曹秦兩同年近  
俱相繼假歸

非敢

耽隱淪暫與息疲恭南中訪藏書百城好兼攝及此不

少休兩鬢雪添鐮公有買山貲僕惟乞米帖戀棧如疲  
鴛戀花如病蝶出郭風蓬蓬夾岸雨雲雲相送返自厓  
黃塵滿衣袂

強圉大淵獻

一泉上人出塞圖

黃風吹旗浩呼洶邊門沈沈萬峯拱鳥飛不下獸亡曹  
豈獨肉身斂肩踵一公早及禪林逃頂禮五髻開金毫  
隨身兩膝健如犢飲馬忽見長城高長城高高望且指  
斧冰屑糜凍不死雁影同飛都尉臺鶴聲可憶平原里  
前身我亦雁門僧無分招要支痠藤巡徧梅花問孤納



影堂何處白雲層

李烈婦詩

婦民覺羅氏易州牧李君文耀繼室君前妻  
弟陳三乘李他出辭裸入其室婦手刃焉既  
乘間自經 詔旌其閭

朔風吹易水水寒馬傷骨驅馬意躊躇行人血交沫專  
城賢使君建豎甚宏達凌晨乘朱轎按部下農堡大婦  
繼室來素不出閨闔門風尊上都奕代光華閭狂且狗  
涎耳肺臍辱爪葛沈綿遊醉鄉不日復不月闐然入我  
堂氣象大唐突是時夜漏半媼婢起反蹶篝燈耿未殘

衷刃手親拔乘間春其喉弱腕力轉脫死人真赫然事  
幾介倉卒鳴鼓召幕僚急欲自剴割媼婢爭把持且待  
使君訣使君聞變歸慰藉語慘怛可死可無死此賊況  
見殺殺身思自明跡已近女俠古人尚中庸大婦幸裁  
察從容數日間守者意稍忽大吏檄使君赴省作小別  
有拋懸我裝有櫛理我髮還從別室中闔戶挂梁揭是  
時  
帝南巡大吏口奏訖  
天子屢領頤表宅樹  
雙闕孔雀鳴南枝聽者皆茹泣伯姬不自焚要亦匪苟  
活要惟不下堂麟編示特筆我從史官後高節仰翠輶  
欲服白衣冠挽歌悵遲發

蔗塘水部秋樹讀書圖

清遠吳興郡。藟香拂檻寒。讀書自怡悅。無樹且盤桓。暮  
色延平楚。秋聲滿曲闌。紉袍停賞處。懶戴切雲冠。  
江關遺堵宅。生長六街塵。晏歲仍華子。空山若有人。微  
雲升峯夕。淥水雪谿春。言訪戴公隱。浩吟懷抱真。

送鶴邨比部假歸

之子竟歸去思歸非一年白雲三省客春水五湖船路  
愛浮家熟人刑治獄賢棠梨花放不風雨滿高阡  
曹郎非不達十載住京華長大看兒女艱難計室家朱  
陳添問訊羣紀雜喧譁四十爲翁姥憑將樂事誇

喚鶴沙頭路西東一舍遶昔教成間阻此喜得因依短  
轡評花檐初筵角酒圍長安深巷底今後舊游稀

無田我焉往往在念先盧飲帳情空遶還朝望未虛  
白鷗眷盟侶丹鳳拜除書莫戀鹽鄉美中年遽遂初

七星巖歌送盧吉士歸粵

星爲精石爲質端州城北鍊形七招搖墮地聲殷空幻  
作靈巖障南日道人手拍洪厓肩上界歷歷窺璣璿乘  
風浪宕杳無極著腳祇在州城邊泱泱瀝瀝湖波水連烟  
復斷轡環當衆峯餘液漱雲漢杓三魁四牢撐扶珠斗  
盛漿浩瀾漫東峯迤邐張玉屏蟾蜍仙掌紛見胡旬切形

閨風天柱在襟帶種種婉孌仙則靈松臺尊正中一竅  
鑿吳府帝鴻觴百神遺柏變鍾乳瓊芝琪草春斑斑真  
向蓬萊割左股忽然拄壁鏗杖藤隱約遙津振河鼓我  
思瑤光七星主九州一卷何足關冥揆又思包公七井  
溢甘澗觀象還應應列宿嘯臺醉石堪醉眠有峯慎勿  
飛上天夜來獨上高城望綵筆分明凌紫烟

集陶叔太守橫街新居看芍藥

判年僦住橫街宅暇日招停上客車撥蠟細傾淮岸酒  
圍金早壓洛城花擔頭趁曉來初市窖底偷春得幾家  
爲語文章賢太守何時真放廣陵衙

范比部賀家湖榭圖

地傳慶忌名

見賀方回傳

水待馬臻課何人來乞居姓此湖

爲賀比聞墮葑田無復向時大簪諸明鏡臺土苔蝕使  
破夫君家鏡中菱蛤代耕作結樓還讀書晚唱夜漁和  
當其香暗浮荷風颯以過倚門青自排俛檻淥難睡一  
從京洛遊官馬兀顛簸清景供追攀猿鶴怨無那君家  
例有湖吳越可接座倘爭王謝墩勝事定流播水北安  
酒鎗花南頓藥磨居然五月涼容我擁琴臥

題凡仙畫卷爲慕堂給諫

佛說清淨緣神仙劇遊戲斑斑榴皮書歷歷洞簫記續

紛見

胡何切

靈蹟岿然渺無自始知翰墨緣洞真不輕棄

於畫終未聞儵忽擅圖續朝霞連晚霞紅影遠搖曳遠  
岸碧差差遠水白泚泚繩橋整復斜帆葉向還背林無  
一鳥飛雜樹短於薺籬無一犬鳴老屋破於寺遙情極  
蒼莽勝賞極姿媚得非天上人轉憶人間世傳聞齋沐  
初松局畫常閉山童攜斗來夾几喚扶持几上紙乍伸  
斗邊筆先繫禱罷仙若鷹兩腋走風勢風止畫遂成桃  
源境髣髴排籤十千指作禮讚神異何年歸慕堂巾杖  
滴丹翠向非仙骨多多恐失交臂我窺玉女牕泠泠拂  
幽吹竟從山澤遊此圖倘容乞

四月三日集笏山副憲時晴齋藤花下

若教秋閨移春閨今日原應展禊來坊對靈椿依北道  
箭傳仙漏放南臺連筒噴水塵皆抖疊石藏山路試猜  
醉倒麻姑城畔酒機房多半出羣才

蒼藤十丈走修蛇不見藤時爲見花塔架漸掀風信老  
排檐休挂雨痕斜翠翼翬翬窺無幄瓔珞綬綬折有丫  
合向高齋題紫雪快晴莫遣右軍誇

爲西潭觀察題尊甫右丞協領牧牛遺照

長林積風搖暮寒莎肥草輒春滿灘幽人獨往賞泉石  
短衣至髡頭不冠五十之年鬢鬢白爲茸行廬坐籌策



協領於康熙間督工少時奇服倚雕弧老去狂歌拓金  
金山七日而鬢盡白

載千躡貨殖良可怡廟機繪繡莊所哀鸞環者角禿速  
尾一麾一叱心悠哉爾牛亦得自由趣垂吻清流目雙  
注尻高於背項隱肩欲行非行住非住一羊九牧乖牧  
芻翁本識字耕田夫不迴藏史出關駕且拜將軍懸閣  
圖

朱謝文節橋亭卜卦硯歌

硯歛材修九寸七分廣綱之程文海銘其兩  
旁又聞趙元題云永樂丙申七月洪水去橋  
亭易爲先生祠相地得之天津周煒月東

硯且死屬其子以遺恂叔太守於粵之太平

同錢少詹載王比部昶許穆堂寶善吳鑑南

橫兩農部曹編修仁虎程晉芳汪孟錫趙文

哲嚴長明陸錫熊五舍人賦

松堂沈沈血斑見

胡甸切

主人示我疊山硯建陽之市紛

閔然獨抱首陽石一片疊山射策起丙辰肯以磨穿炫

文戰團湖坪上軍馬潰唐石山前姓名變一橋重拂紹

興題說到朝天淚珠濺韓破難逢圯下期楚囚枉學新

亭暗明知天意厭著龜頭頓食之等農佃此時此硯共

危苦簾外黃塵學胡旋艱貞卦德占明夷滌筆陳書卻

交薦江南人物數巢由試玩銘辭重詞院水底寧隨周  
鼎淪壁間直竝曹碑奠我儕問石石不言回視主人慘  
寒顛月東處士吾石交臥蓐傳言寄蠻徇琉璃匣影摩  
日星坐使炎州颯霜霰今朝開匣鋪細旃潑墨研朱日  
千遍死友每輕金斷堅逋臣豈作瓦全賤端州寸土歸  
破亡何物區區尚完善君不見鷗波亭長天水孫染翰  
從容侍春殿棄錢取米心硜硜尺璧流傳盡傾羨千古  
同留玉帶生結得比鄰長北面

湖天秋思圖

十載江湖隱抱關掉頭遲爾海東還何時真買三間屋

占斷蘆花又荻灣

檣頭船穩泊苔磯目盡烟波碧四圍檢點漁莊秋大好  
要隨釣叟著紅衣

龔同年

膠文

言高要張次叔以康熙癸未籍諸

生牽連星創今復以癸未遊於庠年八十七  
笑有婦有子有孫曾索詩紀之

端州一老翁矍鑠挺腰臂楮墨親扶攜云應童子試問  
翁齒若干八十七正糾文字頗順從筆筆秋蠅細拔之  
升頻常升人喜相謂

仁皇昔御宇紀元四十二翁時弱冠餘名籍博士隸被

削心晏如无妄涉他累舊物今克甄先後兩癸未號舍  
仍不移名第亦不異還家對孟光差覺子衿貴挽鬢來  
孫曾擔酒辱鄰比此邦氣磅礴往往見胡甸人瑞耄餘  
三孝廉館職荷天賜語翁行勉旃舊業慎毋棄

慈慶坊八旬公車偕計吏

辛未辛巳下第舉人以年老  
予檢討銜者粵東凡有三開

平周中規東莞張  
揆紫吳川麥國樹

題裕巢圖爲恂叔太守

蛾眉山前畫播鼓郎火連鴈試旋舞使君千騎居上頭  
中有鴻池遶平圃老裕園蠢難紀年不材甚至遺樵斧  
蟠根貼水如曲防宛轉突梯上闌櫓倏撐一幹高偃雲

仰者仰之俯者俯十桴八八紛縱橫著個檣櫓缺斯補  
鳥几指時香篆凝青絲解處酒籌賭頭銜洵美是亭長  
爪跡雖空類巢父若稽雅訓榕日容積陰連嵒徧炎土  
厥幹非幹根非根十萬獐龍劣無主尾升首降吁駭人  
空腹彭亨張淫蠱連城鬱鬱配庸神報社隆隆祀田祖  
桂林一株聞更奇絕赫陰陽作門戶茲巢結構尋文間  
卻勝花源與梅塢主人遠契鶉居人肯學銜泥費辛苦  
歐亭豐樂彼一時韓木科名此千古叢谿幽峒懽囉唻  
譬若致巢在桐乳卽今奉諱還北轅接葉亭孤蔽風雨  
忽然遠夢飛跼鷺一茭一棠足摩撫我儕微願似鷓鴣

倘許雲松葺層宇不然懸版依海棠醉倒徑眠月卓午  
隨緣飲啄長自如鳥之所棄我則取豫章名郡荆名州  
一任萍蓬寄官府題詩笑拊心太平姑聽驚霆夜撥柱  
次韻送知白歸崑山

伏雨飛晨暮衝泥遠怪君大兒才接武上相舉騰文遊  
倦雲催散談高漏聽分轉期歸路緊拊戶盼晴驥  
白頭人善飯底事寄當歸左席虛東閣前塵落北關旅  
餘絲鬢改遷後草堂非去住腸迴九嶂然駕四騶  
玉山青一角吟社畫難成差抱匡時願休高處士名雀  
馴場稻熟鷗泛渚花消留待衰遲景相將抱犢行

同學翩裘馬言愁我亦愁艱難求一第離別詠三秋到  
日親應健他時買必售師門情不淺須爲北裝謀

題榕巢太守入蜀圖送之寧遠

重山爲險獨山蜀三刀夜夢益州牧萬里之行自今始  
落日蒼茫隱雲木邛笮諸夷紛負簫卻留家累住長安  
此地到官容叱馭當時著錄號騶鸞五管迢迢直交趾  
六載炎荒橐如洗故廨爭刊長吏碑瘴鄉怕脫中年齒  
太守守粵時  
落十八齒  
恭聞清暑出灤京  
御筆親除太守名

檄諭早馳越雋水羈縻遙指米羌城郡樓烏鳥晝吹角  
絕徼青蛉莽遼邈鹽穀休教檠木通馬牛且置牂柯權



南揮計日投降王利器須將盤錯當府舍神靈圖偶詭  
蠻陬賤幣斥輝煌 溫問從容對良久捺鉢歸來理轡

首遠曲憑調蜀國絃征車罷酌秦川酒兩厓沈沈青嶂  
天天梯危度深樹巔棧雲迷濛石苔滑何處信宿投人  
烟歌堂無風浩呼瀾展對摩挲起惶悚董生能事通鬼  
神況是尚書筆先擁

圖爲富陽董宗伯落墨而耕雲成之

茸帽疲驢入劍

門籌邊慷慨共誰論草堂編集特餘事要使人知漢吏  
尊

九日集英少農獨往園再送裕巢太守

紫陌分秋逕陶尋五輩同屐衝乾葉亂簾捲好山通作

郡誰將別爲園此獨工登高來歲會有望寄郵筒

習庵編修難燭修書圖

兩館聯書局餐錢月給巡形聲標學子文獻託詞臣

時修

音韻述微

八斗量才最重賢遇禮頻制科三賦重得第

續通考

一資循就邸容將母趨庭準乞身欲教投去轄已分作  
勞薪簿領催同迫裝呈限必遵策動毫吮彩繼晷燭燒  
銀壺箭寒沈夜燈檠暖漏春繡枰高人燕縹絮細排鱗  
十腕抄應脫雙眉畫尚聲葉隨根結子星替月司辰隔  
幔聞宣喚當簾識笑嗔舞憐風翦驟行怯露珠勻心字  
濃如許腰支細莫偷淪將囊滿露送與韞生塵洛下停

吟慣泥中屬對新  
合懽諧好語破愁省前因  
故事徵修史幽歡擬會真  
把杯長晚晚堆案太紛綸  
直院非無暇披圖似不貧  
銷魂愁小別作態想橫陳  
芸閣殷陪席花源枉問津  
修成黃帕捧誰喚蚤朝人

鷗北耘菰圖送趙雲松前輩

名翼一  
字旣北

出守鎮安

團團白茆舍湛湛青瑤流  
前有幾稜菰北有數點鷗  
鷗邊主人望天水館閣迴翔踰一紀  
勅宴曾叨魚藻榮懷歸祇爲鱸蓴美  
昔年別鄉縣茸帽走京師有如水中鳧  
泛泛無所之羣羊踟蹰入宵夢  
惟有健筆酷似飢鷹飢朝吟藥階  
暮薇省姓名鄭重書不憚蛇年況作探花使

田夫識字能爾爲松栢徑已蕪桃李陰漸長白鹽赤米  
堆座來中有荒莊是吾黨董生宿草良可哀編詩坐失

韓門才

甌北自編近詩時董吉士潮歿已三年故及之

莫言鷗字象三品不歸

翻遣谿禽哈呼童關鴈闌詔我種花訣菰葉大如釵菰  
花落如纈裕衣搖曳如羽衣便是春耘好時節春鳥時  
一鳴竹樹含雙清野橋隔蒼霧浴遍涼鷗聲爾菰何與  
爾鷗事毋乃三箇兩箇馴習爲鳥耕我聞東海人閒閒  
狎鷗去機心一昔同桔槔相近相親事難據又聞北山  
客頓頓餐晚菰移文一時怨援鶴學稼學圃荒前功鷗  
耶菰耶詫奇絕百億化身恣饒舌卽看甌北號雲松何

異鷗波署松雪君今五馬向南交持謝鹽齏百甕嘲金  
拌但壁檳榔果玉杖還尋翡翠巢蓮花埂下課耕織送  
薤拔葵義粗識浩蕩且遲沙上盟青黃要察民間色